

## Halltõõz e'ttkõs ee'ttik-kádda láä'kken kuáiváslää'jj mu'ttmest

### E'TKKÕÕZZ VUEI'VV-VUE'KKEŠ SIISKÕS

E'tkkõõzzást ehdte mu'ttemnalla kuáiváslää'jj.

E'tkkõs vuáddáávv vä'ldminister Sanna Marin halltõsprograamm strateeglaž obbvuo'tte "Illneutraal da luáđ mäñghämmsažvuõđ tuõrvvi Láä'ddjánnam" da tõn täávtõ'sse 8 "Puereet kuáivvsi pirrõs-suõjjlummuž" Tä'st e'tkkõõzzást täávtõssân lij e'tkkeed nákam pirrõs-suõjjlummuž pue'reei šeáttmõõžžid, kook õhtne kuáiváslää'jj da tuáj- ja jie'llemvue'kkministeria táimvõudda.

E'tkkõõzzást lij še vä'sttuum kaivoslaji Nyt -meerlažalttõõzzást ee'ttik-káá'dd ke'rlmest uvddum vuámmšõõžžid. Láä'ssen kuáivásve'rggnee'kk láá'pptoimmmummuž täá'rkte'čes še asetõstää'zest, tãn diõtt lij e'tkkuum vää'ld oudmõõžž u'vded riikksuávtõõzz asetõõzzin täá'rkab šeáttmõõžžid.

E'tkkõõzzást ehdte pääiklaž priimmámvuõđ da vaikktemvuei'tlvažvuõdi pue'rummšen, što kuáiváslää'v miõttmõõžž oudldõssân lij káá'dd priimmám kää'vv. Jeá'rbi mie'ldd pääiklaž priimmámvuõđ da vaikktemvuei'tlvažvuõdi pue'rummšen e'tkkõõzzást ehdte láá'ssen jee'res jie'llemvue'jji lokku välldmõõžž ánn'jõž ra'vvsbun kuáiváslää'jj meáldlaž láá'ppsmiõttmõõžžást. E'tkkõõzzást ehdte kiiddálm vuá'msteei sáá'j pue'rummšen da vuu'd aassji kiõččlá'stem háaitai kie'ppummsen čouggmõõžžid maalmooccámláá'v viõggástáárram juátkkmõõžž kuõskki õudldõõžžid, jeá'rbi mie'ldd máddvuá'msteei miásttmõõžž õõlgtummuž, gu maalmooccámláá'pp lij leámmaž viõggást láái ee'jj. Láá'ssen e'tkkõõzzást ehdte teáttanvuážžamvuõiggádvuõđi pue'rummuž piirree'jji õnnum áäv kiičeeipooddin. Va'rjemšioõttõõllmõ'šše e'tkkeet mäñgaid muttsid, jeá'rbi mie'ldd va'rjemvuu'd kuõskki piidnallšem máäus áánnmavälldmõõžž da va'rjemáái'j vuánummuž.

Pirrõs-suõjjlummuž täá'zz pue'rummšen kuáiváslää'jj meáldlaž šioõttõõllmõõžžást e'tkkõõzzást ehdte muuttáse'tkkõõžžid, kooi miárktõssân lij vä'ldded lokku kue'stelmnallšem da pirrõõzzlaž di luáđ mäñghämmsažvuõ'tte õhtneei kõõčmõõžžid áái'jbu ra'vvsbun kuáiváslää'jj meáldlaž láá'ppsmiõttmõõžžást. E'tkkõõzzást ehdte še muttsid kuáiváslää'jj meáldlaž takainallšem vuáddjurddjid jeá'rbi mie'ldd, što kuáivástoi'mmjummuž pukin põõ'jin toi'mmnek áu'kkad puk vuõ'dest teivvum kuáivásmíneraalid, kook lij toi'mmnekka teknlažekonoomlãnji áu'kkeemnalla. Láá'ssen e'tkkõs áánn se'st täá'rkummsid ve'rggnii'kki vuá'pstemõõlgtemvuõ'tte õhtneei šioõttõõllmõ'šše da i'lmtem-mõõntõõllmõõžž kiiddálm vuá'msteei miásttmõõžžin čõõdtem maalmooccmõ'šše. E'tkkõõzzást ehdte čouggmõõžžid kuáiváslää'jj meáldlaž áásktõs-šioõttõõllmõ'šše da muttsid kuáivástoi'mmjummuž loopptummuž kuõskki šioõttõõllmõ'šše nu't, što kuáiváz poddpooddlaž kiddpiijmõš vää'ldet lokku kuáivástoi'mmjummuž poodd áái'jbu pue'rben da kuáiváz loopplaž kiddpiijmõš viiggát čõõđ va'steemnallšed.

E'tkkõõzzást ehdte muttsid sã'mmlai vuõiggádvuõđid algmeeran kuõskki šeáttmõõžžid, jeá'rbi mie'ldd čioõlgtõõžžid láá'v oožzi čioõlgtõsõõlgtemvuõ'tte. Láá'ssen e'tkkõõzzást ehdte teádtummuž da vuássõõttmõõžž kuõskki šeáttmõõžži beá'lnn paalgãskoo'ddi sáá'j õõutnallšmãttmõõžž.

Lää'jj toi'mmjemvuõđ pue'rummšen e'tkkõõzzást ehdte muttsid láá'v serddmõõžž kuõskki šioõttõõllmõ'šše, kuáiváspantt-teáđai õõlmãsvuõđ kuõskki šioõttõõllmõ'šše, kuáivástááimtõõžž kuõskki šioõttõõllmõ'šše da vaaldšempãkksiõõttõõllmõ'šše.

Láá'ppve'rggnii'kki viõkkvaa'ri beá'lnn kuáivásve'rggnekka puá'det ee'jj 2023 riikk täállarvvlõ'sse e'tkkeet taarbšeei resuursid.

Lää'kk lij miárktum šõddád viõ'kke x.x.2022.